



შირაკი

SHIRAKI

www.open.ge

გამოქვეყნდა 1937 წლიდან

დედოფლისწყაროს მუნიციპალიტეტის გაზეთი

№36 (9.601)

21-28 სექტემბერი 2013 წელი

ფასი: 50 თეთრი

ყოველკვირეული გამოცემა

წარსული დარჩენილი სიბნელი



შირაქის დასახლებაში მცხოვრები 9 ოჯახი 35 წელია ელექტროენერჯის გარეშე ცხოვრობდა. დეპუტატ ალექსანდრე თამაზაშვილის ინიციატივით, USAID-ის და დედოფლისწყაროს მუნიციპალიტეტის გამგეობის ერთობლივი პროექტის ფარგლებში, თითოეულ ოჯახში მზის ენერჯის სისტემა დაიდგა და ამის შემდეგ ცხრავე ოჯახში ახლო სინათლე. მზის სისტემის დამონტაჟების პროცესს დაესწრო დედოფლისწყაროს მუნიციპალიტეტის გამგებელი ირაკლი შიოლაშვილი. გამგებლის თქმით, ბედნიერია, რადგან ამ ადამიანების გაბრწყინებული სახეები დაინახა.

„დღეს თქვენ ნახეთ, შირაქის დასახლებაში რა დიდი სიხარული მოვიტანეთ. 35 წელიწადი ამ ოჯახებს ელექტროენერჯია არ ჰქონდათ და ტელეფონი რომ ტელეფონია, მასაც კი ვერ ტენიდნენ. დღეს უკვე ყველა ოჯახში ახლო სინათლე, ყველა ოჯახს შეუძლია ჰქონდეს ტელევიზორი. დამონტაჟდა თანამედროვე ევროკავშირის სტანდარტების აპარატურა, რომელიც მზის საშუალებით იღებს ენერჯიას. ბედნიერი ვარ, რომ ასეთი გაბრწყინებული და განათებული სახეები დავინახე ამ სოფელში“ - განაცხადა მუნიციპალიტეტის გამგებელმა.

მოსახლეობის თქმით, ამ ხნის განმავლობაში ვის არ მიმართეს, რომ ელექტრო ენერჯის მიწოდება აღდგომოდათ, თუმცა ამოდ... თითოეულმა ოჯახმა გამგებელს მადლობა გადაუხადა ოცნების ასრულებისთვის.

პროექტის ექსპერტის ნიკოლოზ ნეფარიძის თქმით, მუნიციპალიტეტისა და USAID-ის ერთობლივი ინიციატივით განხორციელდა შირაქის დასახლებაში აღნიშნული პროექტი. „ეს პროექტი ხორციელდება USAID-ის დაფინანსებით. 9 ოჯახში მზის ენერჯის თანამედროვე აპარატურა დაიდგა. უნდა აღვნიშნო, რომ მართო პანელის დაყენება არ ხდება, მოიცავს აკუმულატორების ინსტალირებას, შიდა გაყვანილობას, ნათურების დაყენებას - ეს მთლიანი კომპლექტია. რაც მთავარია, ადგილობრივი მოსახლეობის სიხარული ვნახეთ. შირაქის დასახლება შირაქის დედოფლისწყაროს მუნიციპალიტეტის გამგეობისა და USAID-ის ერთობლივი ინიციატივით“ - განაცხადა ნიკოლოზ ნეფარიძემ.

პრის კულტურა მხოლოდ ისტორიის ფასებით არ იზომება...

დედოფლისწყაროში, ადგილობრივი ხელმძღვანელობის ძალისხმევით, ნაგვის ურნები მრავლად დაიდგა, თუმცა, ამის მიუხედავად, მაინც შეხვდებით ქუჩაში, ურნების ირგვლივ მიმოფანტულ თუ პოლიეთილენის პარკებში ჩალაგებულ ნაგავს. ეს პრობლემა ისე ძალუმად არ იგრძნობა ქალაქში, რადგან დასუფთავების სამსახური ნაგვის გატანას ოპერატიულად ახერხებს, მაგრამ ქალაქგარეთ ნაგვის პრობლემა ძველებურად აქტუალურია... განსაკუთრებით ისეთ ადგილებში, სადაც ახალგაზრდები, და არა მარტო ისინი, იკრიბებიან და დროს ატარებენ. ქეიფი და დროსტარება კარგია, მაგრამ ბუნების სიყვარულიც არ უნდა დაგვავიწყდეს. ნაგვის გროვებსა და თვითნებურ ნაგავსაყრდენებსაც უხვად შეხვდება ადამიანი, თუ სოფლებისკენ გადაუხვევს. გზის ორივე მხარე სავსეა ათასგვარი წარმოშობის ნაგვით, საყოფაცხოვრებო თუ სამშენებლო ნარჩენებით.

და ყრია და ყრია უხვად ნაგავი... ზოგან იმდენი ნაგავია, თვით გოგოლის გმირი პლიუსკინიც კი ათას ჭინჭსა და ქალაქს შეჰმატებდა თავის უხილავ კოლექციას. ეს ისე, ლირიული გადახვევისთვის... ჩვენი ქვეყნის სიყვარულს მხოლოდ ქეიფის დროს ნათქვამი სადღეგრძელოები არ გამოხატავს, მის ბუნებაზე და სისუფთავეზე ზრუნვა გაცილებით უკეთ ლაპარაკობს ჭეშმარიტ გრძნობაზე, ვიდრე სიმთვრალეში გულზე მჯილის ცემა და პატრიოტული სულისკვეთების გამოხატვითი სიტყვები, რომლებიც ხშირად აღარ ახსოვთ გამოფხიზლებულთ...

რამდენიმე წლის წინ, როდესაც საზღვრები გაიხსნა და ევროპელები ჩვენს ქვეყანაშიც სტუმრის სტატუსით უხვად გამოჩნდნენ, საქართველოს უძველესი კულტურითა და სამზარეულოთი აღფრთოვანების მიღმა, მათი გაოცებული მზერა არაერთხელ შევნიშნეთ-აქაქა უხვად მიმოფანტული ნაგვის გროვებით გამოწვეული. სულ რაღაც თვეწახევრის წინ პოლონელ სტუმართან ერთად ქოჩების ტბის სანახავად ვიმყოფებოდით. მას არ გაკვირვებია, როდესაც ტბის მიმდებარე ტერიტორიის მოუწყობელი ინფრასტრუქტურა ნახა, მაგრამ გამოსვლიდან დასაბრუნებლად არსებული ნაგვის დანახვისას კითხვა დასვა- კი მაგრამ, რატომაა აქ ამდენი ნაგავი? შემდეგ ჩვენც დავინტერესდით, თუ როგორაა პოლონეთში მოგვარებული გარემოს სისუფთავის დაცვა და როგორია იქ ეს მექანიზმი. როგორც აღმოჩნდა, წლების წინ ნაგვის პრობლემა ამ ქვეყანაშიც არსებობდა, მაგრამ შემდეგ ჯარიმების სისტემა ამოქმედდა და მოსახლეობის თვითშეგნებაც მკვეთრად შეიცვალა.

სინგაპურიზაციის თემა რამდენიმე წლის წინ ძალიან აქტუალური იყო, ამიტომ გეტყვით, რომ იქ თურმე კანონს არავინ არღვევს, ხოლო ქუჩის დანაგვიანებისთვის ჯარიმა 500 დოლარს შეადგენს. საჯარიმო სანქციებს ქართული კანონმდებლობაც ითვალისწინებს, მაგრამ, როგორც ჩანს, ჯერ მხოლოდ ფურცელზე, რადგან არ მინახავს ადამიანი, ვინც ამ კანონის დარღვევისთვის დაჯარიმებულიყო.

შეგახსენებთ, რომ ადმინისტრაციულ სამართალდარღვევათა კოდექსის 146-ე მუხლი არეგულირებს დასუფთავების წესებს და ამ წესების დარღვევის შემთხვევაში გამოწვეული ჯარიმებს. კოდექსის მიხედვით, სამშენებლო და საყოფაცხოვრებო ნარჩენების გზებზე, მდინარეებში, ტბებში და მათ ნაპირებზე, ფერდობებსა და ხევებში, პარკებში, გაზონებში, ეზოებში, სპორტულ მოედნებზე, ავტოსადგომებთან, ზაზრებთან ან სხვა ადგილებში დაყრის, ნაგვის გატანის და დასუფთავების წესების დარღვევის შემთხვევაში, ფიზიკური პირები 200 ლარით, ხოლო იურიდიული პირები, დაწესებულებები და ორგანიზაციები 1000 ლარით დაჯარიმდებიან. განმეორებით შემთხვევაში, გარემოს დაბინძურება, ფიზიკური პირი 500 ლარით, იურიდიული პირი კი - 3 000 ლარის ოდენობით დაჯარიმდება.

ახალი სასწავლო წელი დაიწყო

83. 3

პრემიარის უჩვეულო გულშემატკივარი

83. 5

ე უ რ ა დ ე ბ ა !

საქართველოს საარჩევნო კოდექსის მუხლი 50. 2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 27 ოქტომბრამდე გაზეთი „შირაქი“ ყოველკვირეულად, თითოეულ ნომერში საარჩევნო რეკლამის ფარგლებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

ყველაზე სადღესასწაულო დედოფლისწყაროში მიმდინარე მოვლანების შესახებ!

- ახალი ინფორმაცია
- საბარტლებრივი აქტუა
- აუქციონი
- ტენდერი - ყველაფერი
- მხოლოდ ჩვენთან!

ის, რასაც სხვაგან ვერ ნაიპოთხავთ!

www.dedoplistskaro.ge

ნითელი ჯვარი აქციაებს განაგრძობს

13, 14 და 15 სექტემბერს ქალაქ დედოფლისწყაროს მუნიციპალიტეტის გამგეობისა და საკრებულოს ხელმძღვანელების, აგრეთვე, ნითელი ჯვრის ადგილობრივი წარმომადგენლის-ნათელა თამაზაშვილის პატრონაჟით, ამ რამდენიმე თვის მანძილზე უკვე მეექვსედ, საქართველოს ნითელი ჯვარი სტუმრობდა.

ნითელი ჯვრის საზოგადოება-ნებაყოფილობითი, არასამთავრობო, ჰუმანიტარული საქმიანობის სფეროში ხელისუფლების დამხმარე ორგანიზაციაა. იგი 1918 წელს დაარსდა და დამოუკიდებლად იარსება 1923 წლამდე, რის შემდეგაც საბჭოთა კავშირის ნითელი ჯვრის ნაწილი გახდა. 1991 წლიდან კი ისევ დამოუკიდებელი ორგანიზაციაა.

საქართველოს ნითელი ჯვრის საზოგადოების მისიაა გაჭირვებულთა დახმარება საგანგებო სიტუაციებში და სოციალურ-ეკონომიკური კრიზისის დაძლევაში, როგორც მატერიალური, ისე ადამიანური რესურსების გამოყენებით.

ხუთკაციანი ბრიგადა, რომელიც დედოფლისწყაროში იმყოფებოდა, საუკეთესო, გამოცდილი მედიკოსებით იყო დაკომპლექტებული. ექიმ-ექოსკოპისტი ირინა მოდებაძე, ჯგუფის ხელმძღვანელი, მედიცინის მეცნიერებათა კანდიდატი, დოცენტი, კარდიოლოგი-ზურა თუთარაშვილი, თერაპევტ-კარდიოლოგი-მანანა გორგოზიანი, დამხმარე მედპერსონალთან ერთად სამი დღის განმავლობაში სინჯავდნენ ადგილობრივ მოსახლეო-

ბას. აქციაში მონაწილე თითოეულ ადამიანს უტარებოდა ყველა პარენქიული ორგანოს ულტრაბგერითი გამოკვლევა, უკეთებოდა სისხლის ანალიზი შაქარზე, უღებდნენ კარდიოგრამას, სვამდნენ დიაგნოზს და უნიშავდნენ მკურნალობას, საჭიროების შემთხვევაში კი, აგზავნიდნენ შესაბამის სპეციალისტებთან შემდგომი კონსულტაციებისთვის. კვლევა ჩაუტარდა მოსახლეობის დიდ ნაწილს და სათნოების სახლის თითქმის ყველა ბენეფიციარს. როგორც ბატონმა ზურამ და ქალბატონმა მანანამ ჩვენთან საუბარში აღნიშნეს, კვლევის დროს პაციენტებს გამოუვლინდათ დაავადებები, რომელთა შესახებ ზოგიერთმა მათგანმა არ იცოდა, ზოგადი მდგომარეობა მაინც დამაკმაყოფილებელია სხვა რაიონებთან შედარებით, თუ არ ვიგულისხმებთ, რომ თითქმის ყოველ მეოთხე პაციენტს ფარისებრი ჯირკვლის პრობლემა აღენიშნება. სამაგიეროდ, სიმსივნური დაავადებების სიხშირე არ შეინიშნება და საერთო მდგომარეობაც ჩვენ დამაკმაყოფილებლად მიგვაჩნია-თქვენს მათ.

მიუხედავად ახლახანს მიღებული უფასო სადაზღვევო პოლისებისა, სამი დღის განმავლობაში რიგები არ წყდებოდა გამგეობის პირველ სართულზე, წლების განმავლობაში უფასო სამედიცინო გამოკვლევებს მონატრებული ხალხი არ ილღებოდა საათობით რიგში დგომითაც კი და უზომო მაღლიერებას გამოხატავდნენ.

ვიყავი მთლად ჯანმრთელად, მაგრამ გულიც ძალიან კარგად მქონია და სხვა ორგანოებიც, დიდი მადლობა რაიონის ხელმძღვანელობას და ჩვენს პრემიერ-მინისტრს, ხალხზე ზრუნვისთვის.

ლიზიკო კოჭლამაზაშვილი: მართალია, მე შაქარი აღმომაჩნდა და არ ვიცოდი, მაგრამ სულ რომ ვერ გამეგო, ხომ უარესი იქნებოდა? ძალიან კმაყოფილი ვარ, თბილი და ყურადღებიანი ექიმები იყვნენ.

ელენე ბაიაშვილი: ყველა ადამიანს თავისი შინაგანი კულტურა უბიძგებს, წელიწადში ორჯერ თუ არა, ერთხელ მაინც ჩაიტაროს სრულფასოვანი გამოკვლევა, მაგრამ ჩვენ, დასახლისები ვცდილობთ, გაუფრთხილდეთ ოჯახის ბიუჯეტს, რაც არასწორია, მაგრამ ასე... ეს გამოკვლევები ნამდვილად მოსწრებული იყო ყველასთვის, ძალიან კმაყოფილი ვარ, ვისურვებდით, რომ ხშირად გვქონდეს ასეთი საშუალება.

იმის გამო, რომ ექიმები გამოძახებულ იქნენ ძირითად სამსახურებში სასწრაფო ოპერაციების ჩასატარებლად, მათი ვიზიტი დაგეგმილზე ორი დღით ადრე შეწყდა, მაგრამ ისინი მომდევნო თვეებში კიდევ ენვევიან სამუშაო ვიზიტით ჩვენს რაიონს და ვისაც სურვილი ჰქონდა და ვერ მოასწრო მათთან კვლევის ჩატარება, მიეცემა საშუალება, მიიღოს საკუთარი ჯანმრთელობის შესახებ ინფორმაცია და საჭიროების შემთხვევაში, ჩაიტაროს მკურნალობა.

ელზა ხარაშვილი



ახალი სასწავლო წელი დაიწყო



№2 საჯარო სკოლა

საქართველოს ზოგადსაგანმანათლებლო დაწესებულებებში სწავლა 16 სექტემბერს დაიწყო. ახალი სასწავლო წლის დაწყება იზეიმეს დედოფლისწყაროს საჯარო სკოლებშიც. სწავლის დაწყება მოსწავლეებსა და პედაგოგებს მუნიციპალიტეტის ხელმძღვანელმა პირებმა, საგანმანათლებლო რესურსცენტრის უფროსმა მიხეილ ბახუტაშვილმა და სოფლების რწმუნებულებმა მიულოცეს. დედოფლისწყაროში წელს ცხრა საჯარო სკოლას ჩაუტარდა სარეაბილიტაციო სამუშაოები, მოსწავლეებს უფასოდ დაურიგდათ სასკოლო სახელმძღვანელოები, ხოლო პირველკლასელებს კვლავ დახვედათ მერხებზე ნოუთბუქები. მომავალ წელს მუნიციპალიტეტის 10 სკოლა კიდევ გარემონტდება.



№1 საჯარო სკოლა



ხორნაბუჯის საჯარო სკოლა



სამრეკლოს საჯარო სკოლა

დასუფთავების აქცია დედოფლისწყაროში ჩატარდა

„დავასუფთაოთ მსოფლიო — დავასუფთაოთ საქართველო“-ს ფარგლებში დასუფთავების აქცია დედოფლისწყაროში ჩატარდა. ქალაქ დედოფლისწყაროში ელიას მთის მიმდებარე ტერიტორიაზე ნაძვნარი დაასუფთავეს, ხოლო სოფელ მირზაანში სკოლის მოსწავლეებმა მიიღეს მონაწილეობა.

როგორც „მწვანეთა მოძრაობა დედამიწის მეგობრები“-ს დედოფლისწყაროს კოორდინატორმა ირმა რობიტაშვილმა გაზეთ „შირაქს“ განუცხადა, აქციაში უკვე მერამდენე წელია დედოფლისწყაროს მუნიციპალიტეტიც მონაწილეობს.

აქციას ელიას მთაზე დედოფლისწყაროს გამგეობის თანამშრომლებიც შეუერთდნენ. მასში მუნიციპალიტეტის საკრებულოს დეპუტატებსა და

თანამშრომლებს მონაწილეობა არ მიუღიათ.

ორგანიზატორების განმარტებით, „დავასუფთაოთ საქართველო — საზოგადოების ცნობიერების ამაღლება და მისი ჩართვა მყარი საყოფაცხოვრებო ნარჩენების მართვის გაუმჯობესების პროცესში“ პროექტის ფარგლებში, რომელსაც ახორციელებს არასამთავრობო ორგანიზაციათა კონსორციუმი — „საქართველოს მწვანეთა მოძრაობა დედამიწის მეგობრები/საქართველო, მდგრადი განვითარების კავშირი „ეკოხედვა“ და საქართველოს ბუნების მკვლევართა კავშირი „ორქისი“, შვედეთის საერთაშორისო განვითარების სააგენტოს (შიდა) ფინანსური უზრუნველყოფით და გარემოს დაცვისა და ბუნებრივი რესურსების სამინისტროს მხარდაჭერით.



თუ გაგივლიათ ელიისაკენ...

დიდი პოეტის მშვენიერი ლექსის სტრიქონების პატარა გადასხვაფერება მინდა გამოვიყენო იმის საჩვენებლად და საილუსტრაციოდ, თუ რა მდგომარეობაა წმინდა ელიის მიმდებარე მიდამოებში. კერძოდ, მხედველობაში მაქვს წლევანდელი ელიაობის დღესასწაულის შემდგომი პერიოდი.

მართალია, არც სხვა დღეებში ვაკლებთ ჩვენს შემოგარენებს „მზრუნველობას“, ყოველთვის ნახავს კაცი „თვალისა და გულის დამატკობელ“ სურათი-სანახაობებს, მაგრამ წლევანდელი ელიაობის მეორე დღეს რაც იქ, ხელოვნურად გაშენებულ ნაძვნარ ტყეში ვნახე, საღად მოაზროვნე ადამიანს აფიქრებინებს, ამის ჩამდენ-გამკეთებლები ღვთის რწმენისა და ადამიანურობისაგან ძალიან შორს უნდა იყვნენო.

ნაძვნარში რამდენიმე ადგილას საქეიფო-სალხინოდ მაგიდები არის

გაკეთებული. სწორედ ამ მაგიდების ირგვლივ უხვად იყო მიმობნეული, მიყრილ-მოყრილი, პოლიეთილენის პარკებში ჩაყრილი ცხვრის თავ-ფეხ-ტყავი, ქათმის ბუმბული, სურსათის ნარჩენები, გაზეთი-ქაღალდის ნაგლეჯები და ვინ იცის, კიდევ რა - არა. ამის მნახველმა უნებურად გაიფიქრე, ნუთუ ესაა ჩვენი ქართველობა, ბუნების სიყვარული-პატივისცემა, ღვთის რწმენა, ადამიანობა-მეთქი. ნუთუ ადამიანს იმის შესახებ უნდა სჭირდებოდეს შესენება, რომ სამშობლო, ბუნება... მხოლოდ ლამაზი, მაღალფარდოვანი სიტყვასადღეგრძელოებით არ გამოიხატება, რომ თითოეულმა მოქალაქემ არა მარტო თავის ეზო-ყურეს უნდა მოუაროს, არამედ თავის ნილ სამშობლოს მიწა-წყალს, პატივი უნდა სცეს მამა-პაპურ კარგ თვისებებს, ზნე-ჩვეულებებს.

ჯუშუბარ უთრუთაშვილი



სერიოზული ქვეყნების სასაცილო კანონები

თავისი მრავალწლოვანი საკონსტიტუციო გამოცდილების მქონე ბევრ ქვეყანაში არსებობს ზოგიერთი უცნაური კანონები. აი, რამდენიმე მაგალითი:

ავსტრალიაში:

აკრძალულია ქუჩაში გასვლა შავი ტანსაცმლით, ვოილოკიანი ფეხსაცმლით და შავი ვაკსით სახეზე, რადგან ეს არის ბინების მძარცველი ქურდის ტანსაცმელი.

აკრძალულია ბეტმენის კოსტუმის ჩაცმა.

ციდ ბრიტანეთში:

აკრძალულია ქვეყნის პარლამენტის შენობაში გარდაცვალება

სანაპიროზე ნაპოვნი მკვდარი ვეშაპის თავი ეკუთვნის მეფეს, კუდი - დედოფალს.

სინგაპური:

აკრძალულია ბიბლიის სადმე ნაღება და საუბარი იესოზე

გარემოს დაბინძურება ითვლება სერიოზულ დანაშაულად, რისთვისაც არსებობს: ჯარიმა რამდენიმე ათასი დოლარის ოდენობით, საზოგადოებრივი სამუშაო ნაგვის შესაგროვებლად, ფსიქოლოგის კონსულტაცია. დამრღვევის ფოტოგრაფიას უჩვენებენ ადგილობრივ „მოამბეში“.

აშშ:

იმპოტენცია გაყრის საფუძველია 24 შტატში

ილინოისის შტატში აკრძალულია ინგლისურად ლაპარაკი, შეიძლება მხოლოდ ამერიკულად

ოკაიოში ქალს ეკრძალება გამიშვლე-

ბა მამაკაცის გამოსახულების წინაშე ინდინაში 1950-იან წლებში იკრძალებოდა რობინ ჰუდის ხსენება, რადგან მდიდრებისთვის ფულის ნართმევა და ღარიბებისთვის დარიგება ითვლებოდა კომუნისტური იდეოლოგიის გამოვლინებად.

ოკლაჰომაში იკრძალება კვირაობით ცოლების კოცნა

ტენესიში ქალებს ეკრძალებათ ლაკირებული ფეხსაცმლის ტარება, რადგან მათში აირეკლება ქვედა საცვალი ნიუ-მექსიკოში კატებს ეკრძალებათ ლამე სიარული, თუ მათ არა აქვთ უკანა სასიგნალო განათება.

ტაილანდში:

სადეჭი რეზინის დაგდება ტროტუარზე - ჯარიმა 600 დოლარი

აკრძალულია სახლიდან გამოსვლა ქვედა საცვლის გარეშე

სამეფო ჰიმნის შესრულების დროს კინოთეატრში ყველა მაყურებელი ფეხზე უნდა წამოდგეს

ფინეთი:

აკრძალულია იხვის ჭუკი დონალდი, რადგან შარვალი არ აცვია

საფრანგეთი:

არ შეიძლება ღორისთვის ნაპოლეონის დაძახება

აკრძალულია ისეთი თოჯინების გაყიდვა, რომელთა სახეც არ არის ადამიანისა.

პრემიერის უჩვეულო გულშემატკივარი



დედოფლისწყაროს რაიონის სოფელ არბოშიკში ბიძინა ივანიშვილის ფანკლუბი მოქმედებს. პრემიერ-მინისტრის ფოტოები ჯვართან და ხატებთან ერთად, საგანგებოდ მონაცემი კედელზეა განთავსებული. კოალიცია „ქართული ოცნების“ ატრიბუტიკას და ივანიშვილის ფოტოსურათებს ამ სოფელში ფონაშვილების საცხოვრებელი სახლის ეზო მთლიანად ეთმობა.

მასპინძელი ამბობს, რომ სპეციალურად მონაცემი კუთხეში სმირად ლოცულობს და უფალს ჩვენი ქვეყნის კეთილდღეობას ავედრებს. გაზეთ „შირაქის“ არბოშიკში სტუმრობის მიზეზიც სწორედ ეს უჩვეულო ფაქტი გახდა.

ოჯახის უფროსი, პრემიერის სესხია. 57 წლის ბიძინა (მშპ) მონაშვილი ივანიშვილს დედოფლისწყაროში ეპატიჟება, მისი ეზოს მონახულებასა და გულთბილ მასპინძლობას სთავაზობს.

„უფალი ფარავდეს ბატონ ბიძინას და მთლიანად საქართველოს. ოჯახთან და მთლიან საქართველოსთან ერთად გაუმარჯოს ბატონ ბიძინას. ბრძოლა კიდევ გრძელდება, ბევრი რამაა ბოლომდე მისაყვანი. პრემიერმინისტრს ვეპატიჟები დედოფლისწყაროს რაიონის სოფელ არბოშიკში, ბიძინა გონაშვილის ოჯახში. მეგობრებთან და ოჯახთან ერთად ვეპატიჟები. ძალიან მიხდა, ჩამოვიდეს და საკუთარი თვალით ნახოს. არ გეგონოთ, რომ არჩევნებში „ქართული ოცნების“ გა-

მარჯვების შემდეგ მოვანყვე ეს ყველაფერი. თელავში გამართული შეხვედრის შემდეგ გავაკეთე ეს ყველაფერი. მიხდოდა, რომ დიდი მხარდამჭერი ჰყოლოდა და ეს იდეა გამიჩნდა. გაუმარჯოს ბატონ ბიძინას და დიდება ჩვენს პატრიარქს (ყანთი ხელში გამოთქვამს). მის თანამებრძოლებთან ერთად გაუმარჯოს,“ - აღნიშნავს პრემიერის უჩვეულო გულშემატკივარი.

მასპინძლის განწყობის აღსაქმელად ეზოში შესვლაც არ არის საჭირო. გზიდანაც ჩანს, რომ მისი ეზო-ყურე სავესტა სააგიტაციო მასალებითა თუ პარტიული დროებით, ისინი ჭიშკარზეც მრავლადაა განთავსებული. გონაშვილების ეზოს „ავლადიდება“ გამვლელთათვის ღამითაც თვალმისაცემი რომ იყოს, ეზოს მთელს პერიმეტრზე მასპინძელს შესაბამისი განათებები დაუწოდებია. ყველაფერი იმდენად საგულდაგულოდაა მონაცემი, მისი ნებისყოფის გულწრფელად მშურს.

ბიძინა (კობა) გონაშვილი გაზეთ „შირაქთან“ საუბარში ამბობს, რომ ეს ყველაფერი უანგაროდ გააკეთა და პირადი ინტერესი არ ჰქონია. მიიჩნევს, რომ ივანიშვილი ამგვარ თანადგომას უდაოდ იმსახურებდა. ირწმუნება, რომ სხვების მსგავსად თანამდებობის მისაღებად არ უნდალია და ამით მხოლოდ მისი შინაგანი განწყობა გამოხატავს. ამბობს, რომ სხვაგვარად არ შეეძლო. მოუხედავად იმისა, რომ ოჯახის უფროსი ამ დრომდე დაუსაქმებელია და ფი-

ნანსურ პრობლემებზე საუბრობს, ენთუზიაზმს არ კარგავს.

„საკუთარი სახლიც არ მაქვს და ქართველი კაცი სხვა ეროვნების ადამიანებს ვუხედი ბინის ქირას. გაუმართლებელი და გულსატკეპია, რომ ჩემს ქვეყანაში ასე ხდებოდეს. თუმცა, ეს არ მაძლევს იმის თქმის უფლებას, რომ ახალი ხელისუფლება არ მომწონდეს.

და უ და ლ ა ვ ი მ ხ რ დ ა მ ქ ე რ ი ვ არ. სხვათაშორის, ამასწინათ, ჩვენს სოფელში შს მინისტრის ირაკლი ლარიბაშვილის მამა, ბატონი ტარიელი იყო ჩამოსული. შემთხვევით გავიარე და შევნიშნე. ვთხოვე, საინტერესო რაღაც უნდა განახოთ-მეთქი და ჩემს ეზოში მოვიწვიე. გამიხარდა, რომ დამთანხმდნენ და დათვალა-რეს ჩემი ეზო. ძალიან მოეწონათ.

ლოცვის ბის გარდა, ამ უჩვეულო ეზოში ტრადიციული კახური სუფრაც სმირად იმლება და ივანიშვილის ფანკლუბის ნეკრები პრემიერის სადღეგრძელოსაც განსხვავებული სასმისით სვამენ. აქვეა გამოფენილი ყანწები და სხვადასხვა განსხვავებული სასმისები.

„ბოლომდე მიყვები ბატონ ბიძინას. უკან არ დავიხევ, თუ გადავარდება გადაყვები!“ - აცხადებს გო-

ნაშვილი.

როგორც „შირაქმა“ გაარკვია, ამ უჩვეულო ფანკლუბს არც სტუმრები აკლია. არბოშიკელი ბიძინა გონაშვილი ამბობს, რომ მის ეზოში დამთვალეირებული ხშირად დადის. კარმიდამოს საგანგებოდ გაფორმების იდეა კი ოჯახის უფროსს საპარლამენტო არჩევნებამდე გაუჩნდა და პოლიციის

წინააღმდეგობის მიუხედავად, ჩანაფიქრის განხორციელება მოახერხა. ერთი ოცნება უკვე აისრულა, „ნაციონალური მოძრაობა“ დამარცხდა - კიდევ ერთ ოცნებად კი ბიძინა ივანიშვილის მიერ ოჯახში სტუმრობა რჩება და იმედი აქვს, რომ მასაც აისრულდება.

ილია მარტყოფლიშვილი



ევროკავშირი ხელს უწყობს კახეთის თანამშრომლობას პოტენციურ პარტნიორებთან

რამდენიმე დღის წინ გაზეთი „შირაქი“ ქალაქ თელავში მედია-კაფისა და გაზეთ „კახეთის ხმის“ ოფისში გახლდათ მინეველი. სადაც ევროკავშირის წარმომადგენლების ინიციატივით გაიმართა ბრიფინგი. შეხვედრის მთავარი მიზეზი გახლდათ კახეთის მოქმედი მედიის წარმომადგენლებისთვის აღმოსავლეთ ქვეყნების პარტნიორობისა და ტერიტორიული თანამშრომლობის პროგრამა გაეცნო.

მედია-ბრიფინგზე წარმოდგენილი იყო პროგრამის საერთო მონახაზი, მიზნები, ამოცანები, განიხილეს თუ ვის შეუძლია ამ პროგრამაში ჩართვა და ის პრივილეგიები, რომლებსაც კახეთის რეგიონის ორგანიზაციები და ინსტიტუტები აღნიშნულ პროგრამაში მონაწილეობით მიიღებენ. პროექტი 2012 წლის დეკემბერში ევროკავშირის მიერ იქნა ინიცირებული, რომელიც ითვალისწინებს აღმოსავლეთ პარტნიორობის ქვეყნების საზღვარიან თანამშრომლობის პროგრამას და მისი მიზანია აზერბაიჯანი-საქართველოს, სომხეთ-საქართველოს, ბელორუსია-უკრაინის, მოლდოვა-უკრაინის ტერიტორიული თანამშრომლობის პროგრამების განვითარებისათ-

ვის ხელსაყრელი გარემოს შექმნა, აგრეთვე ამ ქვეყნების საზღვრის-პირა რეგიონების სახელმწიფო და არასამთავრობო ორგანიზაციების პოტენციალის გამყარება, ერთობლივი საზღვარიან პროექტების შემუშავება-განხორციელების მიზნით. ევროკავშირმა აღნიშნული პროგრამების განსაცორციელებლად 12,5 მილიონი ევრო გამოყო. ეს არის ევროკავშირის ინიციატივა, რომელიც მიმართულია ევროკავშირსა და მისი აღმოსავლეთ მეზობლებს შორის ურთიერთობების განმტკიცებაზე, პოლიტიკური თანამშრომლობის გაღრმავებისა და ეკონომიკური ინტეგრაციის გზით. აღმოსავლეთ პარტნიორობა მოიცავს აღმოსავლეთ ევროპისა და სამხრეთ კავკასიის ქვეყნებს: აზერბაიჯანს, სომხეთს, ბელორუსიას, საქართველოს, მოლდოვასა და უკრაინას. აღმოსავლეთ პარტნიორობა დასაბამს იღებს 2009 წლის 7 მაისის პრალის სამიტიდან, სადაც მონაწილეობას იღებდნენ ევროკავშირის ქვეყნების ლიდერები, ევროკომისიის ინსტიტუტები და პარტნიორი ქვეყნების წარმომადგენლები. კახეთის რეგიონის სახელმწიფო და არაკომერციული ორგანიზაციებს ეძლევათ საშუალება,

მიიღონ მონაწილეობა საქართველო-აზერბაიჯანის ტერიტორიული თანამშრომლობის პროგრამაში და მიიღონ გრანტები ევროკავშირის განსახორციელებლად. ეს პროექტები მიმართული უნდა იყოს საერთო პრობლემების გადაჭრისაკენ და უნდა ითვალისწინებდეს ადგილობრივ და რეგიონულ განვითარებას. ევროკავშირი აღმოსავლეთის ქვეყნებს აძლევს შანსს მიიღონ თანხები, ხოლო თავის მხრივ მისი მოთხოვნაა დამკვიდრდეს ამ ქვეყნებს შორის მშვიდობა და არ წარმოიშვას ერთაშორისი კონფლიქტები. მათი სურვილია, ამ ქვეყნების მოსახლეობას შორის შედგეს პირადი კონტაქტები, კულტურულ-ეკონომიკური, სოფლის მეურნეობის, ჯანდაცვის, დასაქმების ან გარემოსდაცვითი კუთხით. ევროკავშირი მოგიწოდებს რომ, თუ მეზობლები ხშირად ივლიან ერთმანეთთან, იქნება თანამშრომლობა და მშვიდობა, მაშინ ის პრობლემებიც დაძლეული იქნება, რაც აქამდე აღმოსავლეთის სასაზღვრო ქვეყნებს ერთმანეთთან აკავშირებდათ!

ბრიფინგის ესწრებოდა ლაგოდების, თელავის, გურჯაანის და დედოფლისწყაროს რეგიონული

მედიის წარმომადგენლები, რომლებსაც შეეძლოთ დაესვათ კითხვები პროექტთან დაკავშირებით, დედოფლისწყაროსთვის პროექტში ჩართვა იმდენად მნიშვნელოვანი და ყურადსაღები გახლდათ, რამდენადაც ჩვენი რაიონი აზერბაიჯანის მოსაზღვრე რაიონია, აქედან გამომდინარე ჩვენ შეგვიძლია გამოვინახოთ საერთო პრობლემები, რომელსაც მოგვარების სურვილიც ჩვენს მხარეს შორის ერთობლივად არსებობს, დასაშვებია, ეკონომიკური თვალსაზრისით, სოფლის მეურნეობის ან ეკოლოგიური კუთხით მუშაობაც, (მოგვეხსენება ალაზანი გვყავს ამ ორ ქვეყანას და ამ კუთხითაც დასაშვებია პროექტის წარდგენა) უნდა გაკეთდეს ჩვენ ორ ქვეყანას შორის საერთო სტრატეგიული პროექტი, რომელიც ორ ქვეყანას შორის დამეგობრებას და ურთიერთობების დაათბობას მოემსახურება და რაც თავისთავად პირდაპირპროპორციული იქნება ქვეყნებს შორის არსებული პრობლემების და მწვავე დაპირისპირებების თავიდან ასაცილებლად. პროექტის მონახაზის წარდგენის ვადაა 2013 წლის დეკემბერი, ხოლო მისი სრული ვერსიის წარდგენა დამტკიცება 2014 წლის ივლისშია შესაძლებელი. იგი არის

გრძელვადიანი პროექტი და 2016 წელს მიიღებს დასრულებულ სახეს. მონაწილე პროექტი ევროკავშირის მიერ 250 ათასი ევროთი იქნება დაფინანსებული. ვფიქრობთ, რომ გაზეთი „შირაქი“ საუკეთესო დროს საუკეთესო ადგილას მოხვდა, რათა რაიონისთვის ესოდენ საინტერესო ინფორმაცია წამოელო და გაეცნო ჩვენი საზოგადოებისთვის. არ იქნება ურიგო, თუ დედოფლისწყაროელებიც ჩავეთვებით ამ პროექტში, გვაქნება დაინტერესდება და ისეთი იდეები, რომელიც ზემოხსენებულ პროექტის განხორციელების და აქედან გამომდინარე ჩვენს რაიონში თანხების მოზიდვას შესაძლებლობას მოგვცემს. არ აქვს მნიშვნელობა ვინ გააკეთებს ამას, მთავარია, რომ რაიონში ერთი პრობლემით ნაკლები გვექნება, რაც უპირველესად ჩვენს ეკონომიკურ გაძლიერებას შეუწყობს ხელს.

დამატებითი ინფორმაციისათვის გათხოვთ, დაუკავშირდეთ ქალბატონ, ტატიანა დერევიანკინას, პროგრამის ექსპერტს, ტელეფონზე: (044) 332-66-08 ან მისწეროთ ელ. ფოსტის მისამართზე: tatiana.derevyankina@eaptc.eu

ლალი მახრიშვილი

პრესტიჟული დარგები არ არსებობს

ორმოცდახუთი წლის იყო მზია ჯეთერიშვილი-ზედგინიძე, მესამე შვილი რომ გააჩნია. - მის მეუღლეს - ვასიკო ჯეთერიშვილს, ერცხვინებოდა კიდევ, რალა დროს ჩვენი ბავშვიაო, მაგრამ, მზია მამამთილს იყო შეპირებული, ბიჭს გავაჩენ და თქვენს სახელს დავარქმევო და, არც გაუმტყუნდა. მართალია, პაპა ამ დღეს ვეღარ მოესწრო, მაგრამ რძალმა დანაპირები აუსრულა. ასე მოველინა ქვეყანას საკმაოდ უფროსი და -ძმის შემდეგ თორნიკე ჯეთერიშვილი. ეს იყო 1995 წლის 1 იანვარს. თოვლის პაპამ მომიყვანაო,- იცინის თავად და ეს თოვლის პაპის ნაჩუქარი ბიჭი დღეს ერთ კარგ ქართველ ჭაბუკად ითვლება ჩვენს რაიონში.

მზია ზედგინიძე წარმოშობით ასპინძიდანაა. ახლობლების მეშვეობით გაიცნო ნითელწყაროელი ვასიკო ჯეთერიშვილი, მოეწონა და ოჯახიც შეიქმნა.

- როცა პირველად შირაქის ველი ვნახე, გავოგნდი, მისმა სივრცემ და ბარაქამ გამაოცა, აქ არასოდეს გავგეჭორდებამეთქი, ვიფიქრე და ასეც იყო. ჯერ ერთი დედამთილ-მამამთილის მონაგარი დაგვხვდა-დიდი, ორსართულიანი ლამაზი სახლი, განყოფილი ეზო-კარი. ოჯახის უფროსებს შრომაში ჩვენც ამოვუდევით გვერდში და... სიმდიდრე არც მინატრია, წელგამართული და დოვლათით სახსე ოჯახი კი მუდამ გვექონდა. 19 წლის შემოვედი ამ ოჯახში, მამით ობოლი ვიყავ და ჩემი მამამთილისაგან ვიგრძენ მამობრივი თანადგომა და იმედი. ჩემი დედამთილი ლუბა ჯეთერიშვილი დღესაც ჩვენი ოჯახის დედაბოძად ითვლება, ამავაგინი ქალია შვილებზეც და შვილიშვილებზეც. როცა უფროსმა შვილიშვილებმა თეიმურაზმა და ლალიმ უმაღლესში ჩააბარეს, ის თან გაჰყვა მათ, თან პატრონობდა, თან წვრილმანებით ვაჭრობდა-წინდებს, მზესუმზირას, ზეთს ჰყიდდა და ბავშვებს არაფერს აკლებდა - გვიყვება თვისი ცხოვრების ამბებს ქალბატონი მზია. მზიამ ჯერ პოლიკლინიკაში ბავშვთა რეგისტრატორად

დაიწყო მუშაობა, იქიდან დაცვის პოლიციაში კადრების ხელმძღვანელად გავიდა, ახლა შს სამმართველოში ტექნიკურ მუშაკად მუშაობს და მიაჩნია, რომ არანაირი პატიოსანი შრომა სათაკილო არ არის. ორი შვილი დაოჯახებული ჰყავს. თეიმურაზმა ტექნიკური უნივერსიტეტის საერთაშორისო ეკონომიკის ფაკულტეტი დაამთავრა, რუსთავეში ცხოვრობს და სამი შვილი ჰყავს: ვასიკო, მარი და ანა. ლალიც რუსთავეში დაბინავდა. თბილისის სახელმწიფო უნივერსიტეტის ქართულ-რუსული ფილოლოგიის ფაკულტეტი დაამთავრა. მასაც სამი შვილი ჰყავს: ლუკა, ეკატერინე და თამარი. ასე რომ, მზია ექვსი შვილიშვილის ბებიაა და გული სწყდება, რომ მისმა მეუღლემ ადრეულ ასაკში, 58 წლისამ დატოვა ეს ქვეყანა და ბევრი სიხარული დააკლდა. - უფროსებს რა უჭირთ, სწორ გზაზე დგანან, თორნიკეს დარდი მიმყვება, რომ ვერ ვუპატრონო, - ამბობდა ავადმყოფობისაგან სარეცელს მიჯაჭული.


ახალგაზრდა მამის გარდაცვალებამ თორნიკე ნადრევად დაავაჟყავა. მართალია, ძმაც მზრუნველობდა ოჯახს, მაგრამ ის ფიზიკურად შორს იყო და ოჯახის კაცის როლი თორნიკემ მოირგო. მეცხრე კლასამდე ხორნაბუჯის რუსულ-ქართული საჯარო სკოლის რუსულ სექტორზე სწავლობდა, მეცხრე კლასიდან ქ.დედოფლისწყაროს №2 საჯარო სკოლაში გადმოვიდა. სწავლა არასდროს უჭირდა, მუდამ კარგ მოსწავლედ ითვლებოდა. გამორჩეულად უყვარდათ პედაგოგებს, რადგან თორნიკე სწავლასთან ერთად ოჯახსაც უძღვებოდა, ცალკულად დარჩენილ დედას ვაჟუკაურად ედგა მხარში და არანაირ შრომას არ თაკილობდა: ხნავდა, თესავდა, თონინდა, მოსავალს იღებდა, ფქვავდა, არასდროს შესცივინა მის ამავაგინ, მოხუც ბებიას, რომელსაც მზე და მთვარე ამოსდის თორნიკეზე და ვაჟუკაცი შვილის დამკარგავ, მუდამ თვალცრემლიან დედას სიცოცხლე მხოლოდ იმიტომ უნდა, რომ შვილიშვილს რაიმე არგოს:

თბილი წინდები მოუქსოვოს, პენსიიდან გადანახული „ორიოდ კაპიკი“ უწილავდოს..

სწავლასთან ერთად თორნიკე სპორტით და მუსიკითაც გატაცებული. წელიწადნახევარი ვარჯიშობდა მიხეილ სეხნიაშვილის საბძოლო ხელოვნების ფედერაციის დარბაზში და სერიოზული

წარმატებებიც ჰქონდა: იყო საქართველოს ჩემპიონი. რეგიონული და კახეთის ზონის ჩემპიონი. მისი ნამღერის მოსმენა ხომ ერთ რამედ ღირს. თბილისის მოსწავლე-ახალგაზრდობის სახლის მიერ გამართულ სამეცნიერო კონფერენციაზე თორნიკემ მოქანდაკე მერაბ ბერძენიშვილის შემოქმედების მიმოხილვა და გოდერძი ჩოხელის „საქორწინო მტრედის“ რუსული თარგმანი გააგზავნა და პირველი ხარისის დიპლომებიც დაიმსახურა. ასე რომ, თორნიკე ჯეთერიშვილი №2 საჯარო სკოლის ერთ-ერთი წარჩინებული კურსდამთავრებულია. დღეს კი უკვე ტექნიკური უნივერსიტეტის ენერგეტიკისა და ელექტროინჟინერიის ფაკულტეტის პირველი კურსის სტუდენტია და 100%-იანი სახელმწიფო დაფინანსების გრანტის მფლობელი. 23 სექტემბერს თორნიკე უმაღლესი სასწავლებლის კარს შეაღებს. სწავლის პარალელურად ის სავადმედებოლო სამხედრო სამსახურს გაივლის დაცვის პოლიციაში. 20 სექტემბერს მან უკვე სამხედრო ფორმა მოირგო და სამშობლოს სამსხურში ჩადა.

როცა ვკითხე, ეს დარგი რატომ აირჩიე, უფრო პრესტიჟული პროფესიებიც ხომ არსებობს მეთქი, მიპასუხა: პრესტიჟული პროფესია არ არსებობს, მთავარია, შენი საქმის კარგი სპე-



ციალისტი დადგე, ისწავლო საფუძვლიანად, შეიყვარო ის, რადგან შენი ცხოვრების გასაღები სწორედ კარგ პროფესიონალიზმშიაო. ჭეშმარიტებაა. თორნიკეს სწამს, რომ მონდომებასთან ერთად ღმერთმაც უნდა შეგინდოს ხელი, იცის, რომ ღმერთს ის უყვარს, ვისი ცხოვრების არსი და ამოსავალი წერტილიც უფლის 10 მცნებაა და თავადაც ამ პრინციპით ცხოვრობს.

ვესაუბრებით თორნიკეს კლასის ხელმძღვანელს ქალბატონ ლალი პოპიაშვილს-წელს გამორჩეულად კარგი კლასი გამოვუშვით. გვეყვება ერთი ოქროს მედალოსანი ლიკა ტოკლიკიშვილი, სამი ვერცხლის მედლის მფლობელი: მარი შანშიაშვილი, ანა და თამაზ ყოჩიაშვილები და ბევრი წარმატებული მოსწავლე. მათ შორის ერთ-ერთი გამორჩეული თორნიკე ჯეთერიშვილია. ის მეცხრე კლასიდან შემოუერთდა ამ კლასს, მაგრამ არ გასჭირვებია, რადგან ძალიან კომუნიკაბელური ბავშვია. მეგობრებიც მალე გაიჩინა. ყველას სიყვარული დაიმასხურა მასწავლებლებთანაც და მოსწავლეებთანაც. ის შრომისმოყვარე, განონასწორებელი, ზრდილი, მონესრიგებული, უკვე ზრდასრული ადამიანია, რომელზე დაყრდნობაც შეიძლება. ამიტომ შევარქვით „დედის იმედი“. მიუხედავად იმისა, რომ საოჯახო საქმეებით საკმაოდ

დატვირთული იყო, მონყენილს ვერ ნახავდით, ხალისიანი და იუმორით სახსე იყო მუდამ, მის გარეშე აერც ერთი ღონისძიება არ ჩატარებულა სკოლაში. მასთან ერთად სუფრაზე ჯდომა ხომ ძალიან სასიამოვნოა. ის ერთ-ერთი წამყვანი იყო ბოლო ზარის ზეიმზე და თავი დაამახსოვრა ყველას. ერთი სიტყვით, ყველა პირობა არსებობს იმისათვის, რომ თორნიკე დადებითად დავახასიათოთ, მან 100%-იანი დაფინანსება სრულიად დამსახურებულად მოიპოვა. მინდა, ვისარგებლო შემთხვევით და ეს წარმატება მივულოცო მას, ვუსურვო დიდი მიზნების განხორციელება. მის მსგავსად 100% -იანი დაფინანსება მოიპოვეს მისმა კლასელებმა მარი შანშიაშვილმა და მარიამ ბერიძემ. მათთან ერთად ყველა ჩვენი კურსდამთავრებული ვულოცავ სტუდენტობას და შემდგომ წარმატებებს ვუსურვებ, - გვითხრა ქალბატონმა ლალიმ. ჩვენც ვუერთდებით და თორნიკესთან ერთად ყველა სტუდენტს ვუსურვებთ მრავალ ბედნიერ დღეს და წარმატებებს ცხოვრების დიდ გზაზე.

დღეს კი თორნიკე ჯეთერიშვილი ამაყად მივა მამის საფლავზე და ეტყვის, რომ მისი ოცნებები აასრულა და არც მომავალში შეარცხვენს მის სახელს.

ნაირა გორაშვილი.

ახალი სასწავლო წელი სკოლა „ბენაურის“ დაიწყო

უკვე ათ წელზე მეტია, სკოლა „ბენაური“ (დირექტორი ცაცა ბენაშვილი) არ ღალატობს თავის პრინციპებს და მიუხედავად მათ წინაშე არსებული უამრავი პრობლემისა, კვლავ ჩვეული შემართებით აგრძელებს სასწავლო-შემოქმედებით საქმიანობას. ისე, როგორც რაიონის სხვა სკოლებში, აქაც დაირეკა სკოლის ზარი და საზეიმოდ აღნიშნეს სწავლის დაწყება. წელი სკოლა „ბენაურს“ ექვსი პირველკლასელი მოსწავლე ჰყავს, რაც მცირე კონტიგენტის სკოლისთვის კარგი შედეგია. მშობლებს, რომლებსაც კარგად აქვთ გაცნობიერებული, რომ მათმა შვილებმა ხარისხიანი ცოდნა მიიღონ, ესმით, რომ სწორედ ამ სკოლაში ბევრად უკეთესია სწავლა, რადგან კლასში მცირე ბავშვების ყოფნა ხელს უწყობს პედაგოგს თითოეული მოსწავლის ცოდნა ყოველდღიურად გამოიკითხოს

და ასევე მოსწავლისთვის გასაგები იყოს პედაგოგის მიერ მიწვდილი მასალა. გასულ სასწავლო წელს სკოლა „ბენაურს“ ნაყოფიერი სასწავლო წელი ჰქონდა. სკოლის მოსწავლეებმა საინტერესო პროექტში მიიღეს მონაწილეობა, სადაც გარკვეულ წარმატებას მიაღწიეს. აღნიშნული პროექტის შესახებ „ბენაურის“ სკოლის მოსწავლე მაგდა ბენაშვილი გვესაუბრა, - „უსიდ-ის პროგრამის ფარგლებში სხვადასხვა სკოლაში შეიქმნა ეკო-კლუბები, ჩვენც მივიღეთ მონაწილეობა. სამოტივაციო წერილის საფუძველზე შეიქმნა კლუბები და სამრეკლოს საჯარო სკოლაში ჩაგვიტარდა სამდღიანი ტრენინგები. ტრენინგებზე შეგვასწავლეს პროექტების წერა. უკან ისეთი შემართებით დავბრუნდით, რომ ორ კვირაში შევადგინეთ და გავაგზავნეთ პროექტი. აღმოჩნდა, რომ ჩვენი ინიცია-

ტივა მოიწონეს და საგრანტო პროექტებში მოხვდა. ამას მოჰყვა აპრილში მეორე ტრენინგები, რომელიც შეეხებოდა ბუნებრივ კატაკრიზიმებს და რესურსების ინტეგრირებული გამოყენების საკითხებს. 22 აპრილს კი, დედამიწის დღესთან დაკავშირებით ვაშლოვანის ეროვნულ ნაკრძალში გამართულ სამდღიან ტრენინგებზეც მოვხვდით. ჩაგვიტარდა სამეცნიერო მუშაობა, პროექტის ოპერატორმა ნინო ლალიძემ გვითხრა, რომ თუ ვიაქტიურებით, საზაფხულო ბანაკებში წავიყვანდა, ჩვენი სკოლიდან ორი ბავშვი შეგვარჩიეს, მე და მოსწავლე დავით ოზაშვილი, მე ჯუთაში ვიყავი ერთი კვირით, ძირითადად ვახდენდით კლიმატზე დაკვირვებას. დავითი კი, თუშეთის ბანაკში მოხვდა, დათო ეკოტრენერი გახდა, მას სათბური და მიკროსკოპი გადასცეს საჩუქრად. გარდა ამისა დიდი გვე-



მები გვაქვს პროექტის განსახორციელებლად ვგეგმავთ პატარ-პატარა აქტივობებს და ღონისძიებებს, მოკლედ, ბევრი იდეა გვაქვს. ვფიქრობთ ეს ღონისძიებები ჩვენს სასწავლო წელს ბევრად გააღამაზებს და საინტერესოს გახდის!“ - ამბობს „შირაქთან“

საუბარში მაგდა ბენაშვილი. წარმატებულ სასწავლო წელს ვუსურვებთ როგორც სკოლა „ბენაურს“, ისე რაიონის ყველა სკოლას, მოსწავლეებს და პედაგოგებს.

ლალი მხრიშვილი

მიქაელ მთავარანგელოზის სასწაული

19 სექტემბერს აღინიშნება სხენება საკვირველებისა, რომელიც მთავარანგელოზი მიქაელის მიერ აღსრულდა ხონაში.


ფრიგიაში, ქალაქ იერაპოლთან, ჰეროტოპად (სიხარულის ადგილი) ნოდებულ ადგილას აღმართული იყო მთავარანგელოზ მიქაელის სახელობის ტაძარი, რომლის სიახლოვესაც მაკურნებელი წყარო ამოდიოდა. ერთხელ მთავარანგელოზი მიქაელი ძილში გამოეცხადა ერთ-ერთი ყურ-მუნჯი ასულის მშობლებს და ამცნო, რომ მათი შვილი განიკურნებოდა, თუ ამ წყაროს წყალს დააღვინებდნენ. მართლაც, წყლის პირას გოგონა განიკურნა. ამის შემდეგ წყაროსთან მრავალად მიდიოდნენ სხვადასხვა სხეულებით შეპყრობილები. მრავალი კერპთმსახური დარწმუნდა ქრისტეს ძლევაშიაღივლებაში და მოინათლა.

მთავარანგელოზ მიქაელის ტაძარში სამოცი წლის მანძილზე მსახურობდა მნათედ კეთილმსახური კაცი, სახელიდ არქიპო. მადლმოსილი სიტყვითა და ღვთივსათნო ცხოვრებით მან მრავალი უღმრთო მოაქცია ჭეშმარიტ სარწმუნოებაზე. ღვთის ამ ერთგულ

მონაზე გამძვინვარებულმა წარმართებმა გადაწყვიტეს, დაენგრიათ ტაძარი და არქიპოც მოეკლათ. მათ მთის ორი დიდი მდინარე ერთ კალაპოტში გააერთიანეს და მათი დინება ტაძრისკენ მიმართეს. წმიდა არქიპომ მხურვალედ შესთხოვა მთავარანგელოზ მიქაელს განსაცდელის არიდება. მისი ლოცვის პასუხად ზეციური მხედრობის წინამძღოლმა კვერთხის დარტყმით გააპოკლდე და აბოზოქრებულ მდინარეს ღრმულისაკენ შეუცვალა მიმართულება. ამგვარად, ტაძარი უვნებელი დარჩა. ამ სასწაულის მხილველი წარმართები შეძრწუნებულნი დაიფანტნენ, წმიდა არქიპო და ტაძართან შემოკრებილი ქრისტიანები კი აღიდებდნენ უფალს და მადლობას სწირავდნენ მთავარანგელოზ მიქაელს. ადგილი, სადაც ეს სასწაული აღსრულდა, ინოდა „ხონად“, რაც „ღრმულს“ ნიშნავს.


ღირსი არქიპო ქალაქ იერაპოლში მცხოვრები კეთილმსახური ქრისტიანების შვილი იყო. იგი ათი წლისა მივიდა ხონაში, წმიდა მთავარანგელოზ მიქაელის სახელობის ტაძრის მოსალოცად, იქვე დარჩა

და სიკვდილამდე მნათეს მოვალეობებს ასრულებდა. ნეტარი მამა მკაცრი, ასკეტური ცხოვრებით ცხოვრობდა და მარხვასა და ლოცვაში ატარებდა დღეებს. მან მრავალი წარმართი მოაქცია ჭეშმარიტ სარწმუნოებაზე. ამით გააფთრებულ კერპთმსახურებს ქურუმების მეთაურობით არაერთხელ უცდიათ წმიდა არქიპოს მოკლა, მაგრამ უფალი იცავდა თავის რჩეულს. ბოლოს წარმართებმა გადაწყვიტეს, ჩაეძირათ ის ადგილი, სადაც ტაძარი იყო აღმართული და საძულველი მნათეც დაეღუპათ. წმიდა არქიპო, ხედავდა რა მზადებას ამ უსჯულოებისთვის, არ განემორეობდა უფლის სახლს და მხურვალედ ლოცულობდა უბედურების თავიდან ასაცილებლად. ღმერთმა შეისმინა მისი ვედრება და ნეტარი მამა გახადა მონამე მთავარანგელოზ მიქაელის მიერ აქ აღსრულებული დიდი საკვირველებისა. სიკვდილს სასწაულებრივად გადარჩენილმა არქიპომ ღრმა მოხუცებულობაში, სამოცდაათი წლის ასაკში შეჰვადრა სული უფალს. ქრისტიანებმა ღირსი მამის წმიდა ნეშტი ხონაში, მისი მოღვაწეობის ადგილას მიაბარეს მიწას.



გამოსათხოვარი

ამირან ბილიაშვილი



მეგონა, ასი წლის იუბილეს მოგილოცავდით, ისეთი მხნე, ენერგიით და ჭკუა-გონებით სავსე იყავ. ოთხმოცს გადააბიჯე, მაგრამ შენს სიკვდილს ვერა-ვინ წარმოვიდგენდით, მით უმეტეს ასეთს-გზათაუკან, ბალიშზე თავდაუდებელს, რადგან უაღრესად მოწეს-

რიგებულს და წინდახედულს მუხთალი ბედი ასეთ აღსასრულს თუ გიმზადებდა, ვინ იფიქრებდა. სამწუხაროდ, ამ ბოლო დროს გახშირდა ასეთი უცარი სიკვდილი.

ცხოვრების დიდი გზა გაიარე სახელიანად, კაცურად, არასოდეს გემიოდა მართალი სიტყვის თმის, ენაც გიჭრიდა და გონებაც. ბევრი ლამაზი და სამაისხოვნო მოგონება დაუტოვე შენს საყვარელ რაიონს, მეგობრებს, თანამშრომლებს, სანათესაო-სამეზობლოს. მეც მუდამ ღიმილით მახსენდება ჩვენი პაექრობა. ჩვენი რედაქციის ყოფილ თანამშრომელს არ მოგვინდა, ხანდახან რაიონის ხელმძღვანელობის არაკანონზომიერ ქმედებას, გაჭირვების გამო, თუ წაუწყობდით-ხოლმე. არ გვე-

რიდებოდი, მოდიოდი და პირუთვნელად მიგვითითებდი ნაკლოვანებებზე. გაზეთის 60 წლისთავისათვის კი შენს მეგობრულ შარფში „შირაქს“ გგვენწავდი და ლექსს ასე ამთავრებდი: „ნაირა გნერს, გოგი გბეჭდავს, არენდით ხომ არ აგიღესო“. მე სამაგიერო ლექსი მოგწერე, სადაც, სხვა ბევრ რამესთან ერთად, შენს ასაკსაც ვეხებოდი: „რადგან შენ უკვე გალუნე, შენი ცხოვრების კალო, სიმშურნის ჭია განვალეხვ, გავიწყებინებთ თავსო“. პასუხი არ დააყოფე: „როგორაც უნდა გავლენო, ჩემი ცხოვრების კალო, ისეთი მშვენიერი ხარ, ჩვენი ნაირა ქალო, შენს შემხედვარეს ნუ მეტყვი, მოხუცებული ხარო“. და მართლაც, ასაკის მიუხედავად, შენ მოხუცს ვერავინ გინოდებდა: ნელგამართუ-

ლი დადიოდი, სულ ნამისუთში გახსოვდა მოვლენები, სამშობლოსა და ერზე შეყვარებულს გული არ გიბერდებოდა. ლექსი და ჭადრაკი იყო შენი „პური არსობისა“. რომანტიზმით გააფლენილ შენს სიტყვას ბევრჯერ მიუყენებია სიამოვნება საზოგადოებისათვის. გამორჩეულად კოლორიტი პიროვნება იყავ და ასეთი დარჩები ჩვენს მესხიერებაში. უზომოდ დიდ პატივს ვცემდი შენს ნიჭიერებას, შენს ტრფივალს პოეზიისადმი, მომენტურება შენს მიერ ნაკითხული ქართული კლასიკის შედეგები.

ნათელში იყავ, რაიონის ინტელიგენციის სახელით გამძვინვარებული, სასუფეველი დაგიმკვიდროს უფალმა.

პატივისცემით
ნაირა გორაშვილი

საგარეჯოში შვილმა მამა თავში ნაჯახის ჩარჭყით მოკლა

საგარეჯოს რაიონის სოფელ გორონაში 29 წლის მამაკაცმა მამა თავში ნაჯახის ჩარჭყით მოკლა. შემთხვევა გუმინ, გვიან საღამოს ურთიერთშელაპარაკების ნიადაგზე მოხდა. შსს-ს კახეთის სამხარეო მთავარი სამმართველოს თანამშრომლებმა მამაკაცი ცხელ კვალზე დააკავეს.

როგორც კახეთის საინფორმაციო ცენტრს პროკურორმა გიორგი ლილაშვილმა განუცხადა, 29 წლის მამაკაცი თელავის წინასწარი დაკავების იზოლატორში იმყოფება.

„აღინიშნული პიროვნება უკვე დაკავებულია. ის წინასწარი დაკავების იზოლატორში იმყოფება, მას ბრალად განზრახ მკვლელობა ედება. როგორც ცნობილია 29 წლის მამაკაცმა ურთიერთშელაპარაკების დროს საკუთარი მამა მოკლა, მან თავში ნაჯახი ჩარჭყა,“ - განუცხადა კახეთის საინფორმაციო ცენტრს პროკურორმა გიორგი ლილაშვილმა.

განზრახ მკვლელობის ფაქტზე აღძრულია სისხლის სამართლის საქმე (სსსკ-ის 108-ე მუხლით). გამოიძიება შსს-ს კახეთის სამხარეო მთავარი სამმართველო ანარმოებს.

მონატრება

ბელურა მარაგლიშვილი

22 სექტემბერს ერთი წელი გავიდა, ჩემი ძვირფასო მეუღლე ბელურ, რაც შენი და ჩემი ცხოვრების გზები გაიყო, შენ ხშირად ამბობდი, რომ ძალიან მიყვარხარ და ამავე დროს მენანებო, ობლად, უმამოდ გაზრდილი ხარო. რადგან მამა სამამულო ომში დამეღუპა, ამიტომ მიწადა, რომ ჩემთან და შეილებში გახარო. ეს მართლაც ასე იყო, ჩვენი ცხოვრების ნახევარზე მეტი სიყვარულში გაგატარეთ, მე მხოლოდ შენს ხელში ვიგრძენი სითბო-სიყვარული, სიკეთე, რაც კი შეიძლება ითქვას შეყვარების დღიდან შენი სიცოცხლის უკანასკნელ წუთამდე, რაზედაც დიდი მადლობელი ვარ ჩემდამი პატივისცემისათვის. მიწადა გითხრა, რომ დღემდე ისევ შენი იდეებით ვცხოვრობთ, ვაგრძელებთ კიდევაც შენს დანაბარებს, რაც შენს შეილებს სთხოვე. ყოველ წუთს თვალწინ მიდგახარ, მაგრამ შენ გთვლი ბედნიერ ადამიანად, რომ დამსწარი ამქვეყნიდან წასვლა და პირველი შენ ჩაეშუტებოდი ნუგზარის დაჭრილ გულს, რომელი გულიც შეილის უნახაობით შეკონდა დაკოდლი. იქნება მოურჩინო ის იარები და მოუყვე სხვა კარგი ამბები დიტოს ვაჟკაცობაზე, რომელმაც დიდი სიყვარული დაიმსახურა ჩვენში გიორგი მაჩაბლიშვილის შემდეგ. დრო გავა და ალბათ გიორგიც ყველაფერს მიხვდება.

ნათელში იყავ, შენს სახელს არასოდეს დავიწყებთ.
ციცინო გონაშვილი

<p>შვილები: ლელა, გაია ბილიაშვილები, დები: მერი, ნათელა, შვილიშვილები: დავით, ლევან, ნათია ლატარიები; ინგა, ევა ბილიაშვილები, სიძე ანატოლი, რძალი ეკატერინე, ძმისშვილები, დისშვილები ოჯახებით იუნეებთან</p> <p>ამირან ბილიაშვილის გარდაცვალებას. დაკრძალვა 21 სექტემბერს, 13 საათზე.</p>	<p>დედოფლისწაყროს მუნიციპალიტეტის კულტურისა და სპორტის ცენტრი თანაგრძნობას უცხადებს ლელა ბილიაშვილს მამის</p> <p>ამირან ბილიაშვილის გარდაცვალების გამო.</p>	<p>გელა, ვაჟა, მანანა ბილიაშვილები ოჯახებით ღრმა მწუხარებით იუნეებთან ბიძის</p> <p>ამირან ბილიაშვილის გარდაცვალებას და თანაგრძნობას უცხადებენ მის ოჯახს.</p>
<p>საპატიო საზოგადოება „არწივის ხეობის“ თანამშრომლები თანაგრძნობას უცხადებენ გელა და ნათელა ბილიაშვილებს</p> <p>ამირან ბილიაშვილის გარდაცვალების გამო.</p>	<p>შპს „გაზეთი“ შირაქის თანამშრომლები თანაგრძნობას უცხადებენ ლელა და გაია ბილიაშვილებს მამის</p> <p>ამირან ბილიაშვილის გარდაცვალების გამო.</p>	<p>მამა პაპაჩაშვილი თანაგრძნობას უცხადებს</p> <p>ამირან ბილიაშვილის გარდაცვალების გამო.</p>
<p>ნაირა გორაშვილი, გოგი, ზურაბ, მაგდა, ნატალი პოპიაშვილები, ირაკლი, ნია მელაშვილები თანაგრძნობას უცხადებენ მარინა ნასრაშვილს და აკაკი ოზაშვილს ბიძაშვილის</p> <p>მარინა ნასრაშვილის გარდაცვალების გამო.</p>	<p>შპს „გაზეთი“ შირაქის თანამშრომლები თანაგრძნობას უცხადებენ მარინა კაკალაშვილს მეუღლის და ია ბაცაცაშვილს მამის</p> <p>მარინა ნასრაშვილის გარდაცვალების გამო.</p>	<p>მამა პაპაჩაშვილი თანაგრძნობას უცხადებს მარინა კაკალაშვილის ოჯახს</p> <p>მარინა ნასრაშვილის გარდაცვალების გამო.</p>
<p>მეუღლე მარინა კაკალაშვილი, შვილი ია ბაცაცაშვილი, სიძე ხვიჩა კიკლაშვილი. შვილიშვილი გოგა კიკლაშვილი იუნეებთან</p> <p>მარინა ნასრაშვილის გარდაცვალებას. დაკრძალვა 17 სექტემბერს, დედოფლისწყაროში.</p>	<p>მეზობლები: გაია პოპიაშვილი, გაია ჯერვლიძე, დათო რობიაშვილი, ნანა ყაზარაშვილი, თამაზ ჯიბლაშვილი, თემურ ჯიბლაშვილი, გურამ ნიკოაშვილი, გაია გონაშვილი, ჯემალ კოჭაშვილი, სოსო გოგაშვილი, მზია ბარბაქაძე, ომარ ალადაშვილი, ბერდო ნასრაშვილი, ლილი გონაშვილი ოჯახებით სამძიმარს უცხადებენ მარინე კაკალაშვილს, ია ბაცაცაშვილს, ხვიჩა და გოგა ზედლაშვილებს</p> <p>მარინა ნასრაშვილის გარდაცვალების გამო.</p>	<p>ძმისცილი დარეჯან ყორიაშვილი, ძმისცილები: დათო, ევა ბაცაცაშვილები, რძალი ნინო; ძმისცილიშვილები: ნიკა, მერაბი, ნინო ღრმა მწუხარებით იუნეებთან</p> <p>მარინა ნასრაშვილის გარდაცვალებას და სამძიმარს უცხადებენ განსვენებულის ოჯახს.</p>
<p>თამაზ და ლალი აბაშიძეები ოჯახით თანაგრძნობას უცხადებენ მარინა კაკალაშვილს, ია და ხვიჩა კიკლაშვილებს</p> <p>მარინა ნასრაშვილის გარდაცვალების გამო.</p>		

ულოცავენ!

ქეთი მუხუდინას!

ჩვენო საყვარელო ქეთი, გილოცავთ ოქროს დაბადების დღეს. გისურვებთ ბედნიერებას, ჯანმრთელობას...

გაზეთი „შირაქის“ რედაქციის თანამშრომლები

კლარა ოსაუვილს!

გუგული ალადავილს!

გილოცავთ შვილიშვილის გიორგი თულაშვილის ტექნიკურ უნივერსიტეტში ჩარიცხვას. ვუსურვებთ ჯანმრთელობას და წარმატებებს ცხოვრებაში...

გაზეთი „შირაქის“ რედაქციის თანამშრომლები

ანი ყორიავილს!

ჩვენო საოცნებო ანი, გილოცავთ სკოლის ვერცხლის მედალზე დამთავრებას და თბილისის ივ. ჯავახიშვილის სახელობის უნივერსიტეტში სამედიცინო ფაკულტეტზე ჩაბარებას...

გაზეთი „შირაქის“ რედაქციის თანამშრომლები

ლალი აბაშიძეს!

გილოცავთ დაბადების საიუბილეო თარიღს, ჩვენო თბილო და მშვენიერო მეგობარო. გისურვებთ ჯანმრთელობას და გახარებას შენს ოჯახთან ერთად...

უახლოესი მამობრები: ნალი შოშიაშვილი, ანა ხატიაშვილი, ელენე კიკელიაშვილი, ჯუღაძე ნინო

მადლიერება

ძველი ქართული სიბრძნეა: „მადლი ქენი, ქვაზე დადე, გაიარე, ნინ დაგხვდებაო“. მართლაც, სიკეთე ხომ არასოდეს იკარგება...

სწორედ, ასეთი დიდი სასიკეთო საქმე გაკეთდა სოფელ ხორნაბუჯის საჯარო სკოლაში. დედოფლისწყაროს მუნიციპალიტეტში ჩვენი სკოლა...

2010 წლიდან ხორნაბუჯის საჯარო სკოლას შეექმნა ფინანსური პრობლემები. მიუხედავად სკოლის დირექციის არაერთი მცდელობისა, საქართველოს განათლებისა და მეცნიერების სამინისტროსთან...

დიდი მადლობა სოფელ ხორნაბუჯის რწმუნებულს ტარიელ ლარიბაშვილს, დედოფლისწყაროს მუნიციპალიტეტის გამგებელს ირაკლი შიოლაშვილს, საგანმანათლებლო რესურსცენტრის უფროსს მიხეილ ბახუტაშვილს...

გვინდა, ვისარგებლოთ შემთხვევით და უდიდესი მადლიერება გამოვხატოთ ჩვენი ქვეყნის ახალი მთავრობის მიმართ. თითოეულ მოსწავლეს უფასო სახელმძღვანელოების დარიგება ხომ დიდი დახმარებაა ჩვენი ოჯახებისათვის...

კიდევ ერთხელ უდიდესი მადლობა ადგილობრივ ხელისუფლებას ასეთი დიდი სასიკეთო საქმეებისათვის, კვლავაც დიდი წარმატებით გველოთ და მრავალი სასიკეთო საქმე გაკეთებულიყოს ჩვენს მშობლიურ მუნიციპალიტეტში.

პატივისცემით, სოფელ ხორნაბუჯის საჯარო სკოლის დირექტორი

მადლიერება

დედოფლისწყაროში, ე.წ. შირაქის დასახლებაში, უკვე ათეული წლებია, ხალხი ელექტროენერჯის გარეშე ვცხოვრობთ. განათების საშუალებას მამა-პაპური ლამპები წარმოადგენდა და ჩვენთვის ტელევიზორიც კი ფუფუნება იყო...

პატივისცემით, „შირაქის“ დასახლების მცხოვრებლები

მადლიერება

მარტოხელა დედა ვარ, სოციალურად დაუცველი და უნარშეზღუდული. კეთილი ადამიანების თანადგომა ხშირად მიგრძენია. ახლახან ძალიან ცუდად გავხდი, შეიძლება ითქვას სიკვდილს ძლივს გადავარჩინეს...

მანია ტუხაშვილი

სასწრაფოდ იყიდება

ოროთახნახევიანი პრივატიზებული ბინა ოთხსართულიანი კორპუსის მეოთხე სართულზე (სახურავი გაკეთებულია კაპიტალურად). ბინა გარემოტებულია. უზრუნველყოფილია გათბობით, ცხელი წყლით, ტელეფონით, ინტერნეტით, ავეჯით, ავტოფარეხით...

აუქციონი

ზემო ქედის №2 საჯარო სკოლა აცხადებს პირობით აუქციონს სკოლის შენობის ა) 12 კვმ ფართის იჯარით გაცემასზე. მიზანი: ბუფეტის ფუნქციონირება. ფართის წლიური ღირებულება 500 ლარი. იჯარის ვადა 2 წელი. პირობები: ბიჯი-ქირის 5%.

ყურადღება

დედოფლისწყაროს საგანმანათლებლო და კვალიფიკაციის განვითარების ცენტრის მიერ 2013-2014 სასწავლო წლისთვის შემდგომ სპეციალიზაციაზე: • მიღწევის საქმიანობა; • სამედიცინო საქმიანობა; • ფარმაცია; • ორთოპედიული სტომატოლოგია; • სამართალმცოდნეობა; • უცხო ენა; • დანერგვის განათლება; • პირობითი მენეჯმენტი; • ფინანსები და ბიზნესი (საბუღალტრო); • ლაგორატორიული დინამოსტიკა; • ჟურნალისტიკა; • ვებდარგონა; • ტურინგ (ბილი)

Weather forecast table with columns for dates from 23.09 to 29.09, showing temperature ranges and weather icons (clouds, sun, moon).

გამომცემელი შპს „შირაქი“ დირექტორი ინგა შიოლაშვილი. რედაქტორი ნაირა გორაშვილი-პოპიაშვილი. სარედაქციო კოლეგია: ლალი მხრისიანი, ილია მარტყოფლიანი (ურნალისტიკა); ელენე ხარაშვილი (სტილისტიკა-მხედველი); ნათელა გოსტაშვილი (ბუღალტერი); ნინო ჯანაშვილი (ფოტო-მხედველი); მზინა ქანდაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).